
## ध्याऽ 2 **किक्किंग ते रिसीविंग**





क्या तुसें कदें फुटबाल खेढेआ ऐ ?

फुटबाल च, अस गेंद्र गी किक मारियै अपने साथी गी पास करने आं ते ओह्दे शा बापस हासल (रिसीव) बी करने आं।


किक्किंग इक म्हत्तवपूर्ण क्रिया ऐ जेह्दे च अस अपने पैरें दा इस्तेमाल करियै गेंद गी इच्छित पसंदीदा दिशा च किक मारने आं।

रिसीविंग करना बी इक म्हत्तवपूर्ण क्रिया ऐ जेह्दे च अस नियंत्रण खोए बगैर अपने पैरें दी मदाद कन्नै गेंद हासल करने आं।

आओ अस इस बारे च जानने आं जे अपने पैरें कन्नै गेंद गी कि'यां कि'यां किक करना ऐ ते कि'यां रिसीव करना ऐ ते फ्ही किश खेढां खेढचै!








#### शिक्षक आस्तै नोट

जिसलै ञ्याणे किक मारने दा भ्यास करदे न ते हेठ दित्ते बिंदुएं गी जकीनी बनाओ —

- 1. स्टांस: पैर मूंढे दी चड़ाई दे बराबर खुल्ले होन ते गोड्डे मते झके दे नेईं होन।
- <mark>2. अप्रोच: किक मारने आह्ले पैरै गी अ</mark>ग्गें बधांदे होई गेंद गी सज्जी जां खब्बी बक्खी अप्रोच करन।
- 3. किक्किंग: अग्गें गी छाल मारदे होई नान-किक्किंग पैर गी गेंद दी बक्खी जमाइयै रक्खन ते किक मारने आहले पैरै गी पिच्छें घुमांदे होई तेजी कन्नै हेठ आहनियै गेंदै गी किक करन।
- 4. फालो थ्रू: किक मारने आह्ले पैरै दे विपरीत दिशा आह्ली बांह् गी अग्गें बधांदे होई शरीर गी संतुलत करङन।





जिसलै ञ्याणे रिसीविंग कौशल हासल करने दा भ्यास करदे न ते हेठ दित्ते बिं<mark>दुएं गी जकीनी बनाओ —</mark>

संतुलत करो।

- 1. स्टांस : पैर मूंढे दी चड़ाई दे बराबर खुल्ले होन, गोड्डे मते झुके दे नेईं हो<mark>न ते शरीर गेंद दी बक्खी होऐ।</mark>
- 2. अनुमान लाओ ते त्यार र'वो: गेंद दे रस्ते दा अनुमान लांदे होई नान-रिसीविंग पैर गी मजबूती कन्नै जमीन पर रखदे न।
- 3. रिसीविंग: शरीरै दा भार नान-रिसीविंग पैर पर स्थानांतरत कर<mark>दे होई, गेंद गी म्हेशां पैरै दे पंजे कन्नै</mark> रिसीव करन ते संपर्क च औने पर पैर गी थोहड़ा पिच्छें लेई <mark>जान।</mark>
- 4. फालो थ्रू: शरीरै गी घुकाइयै रखदे होई भारै गी लोड़ म<mark>ताबक स्थानांतरत करियै संतुलत रौह्न।</mark>

स्टार ते विश

## बीएम 7

## गेंद पास करना


जरूरी समग्गरी

साफ्ट बाल जां कपड़े दी बाल

अनुमान सिक्खना।

## कि'यां खेढना ऐ

- इक साफ्ट गेंद लैओ ते उसगी अपने पैरें दे बिच्च रक्खो।
- खड़ोते दे होई गेंद गी इक पैरै कोला दुए पैरै तगर पास करो।
- अपने शरीरै गी संतुलत रखदे होई गेंद पर नियंत्रण रक्खो।



पास करदे होई चलना, टैहलना, दोड़ना, खब्बी दा सज्जी बक्खी

चलना।

## \_\_\_\_ बीएम 8

## शैडो बाल

जरूरी समग्गरी

साफ्ट बाल जां कपड़े दी बाल


### कि'यां खेढना ऐ

- इक साफ्ट गेंद लैओ ते इक सैह्पाठी दे कन्ने जोड़ी बनाओ।
- तुं'दे चा इक अगुआई करदा ऐ ते गेंद गी ड्रिबल करदे होई अग्गें बधदा ऐ जदूं के साथी पीछा करदा ऐ।
- सीटी बजाने पर, इक दुए दा सामना करो ते गेंद गी अपने साथी दी बक्खी किक मारो।
- हून भूमकाएं गी बदलो ते जारी रक्खो।









#### बन्न-सबन्नतां

 गेंद्र गी मारने लेई कमजोर पैरै दा इस्तेमाल करो।

## बीएम 9

## गेंद छुआलना

जरूरी समग्गरी


साफ्ट बाल जां कपड़े दी बाल

#### कि'यां खेढना ऐ

- इक साफ्टबाल लैओ ते इस गतिविधि आस्तै अपनी क्लासै चा इक साथी तुप्पो।
- इक दुए दे सामनै खड़ोओ ते अपने पैरै दे पंजे दे उप्परले हिस्से दा
  इस्तेमाल करियै गेंद गी फ्लिक करो (छुआलो)।
- जिसले तुं'दे चा इक गेंद गी फ्लिक करदा ऐ तां दूआ इसगी पकड़ी लैंदा ऐ ते गेंद गी बापस फ्लिक करदा ऐ।
- गेंद्र गी फ्लिक करने आस्तै बारी बारी दौनें पैरें दा इस्तेमाल करने दी कोशश करो।



शिक्षक आस्तै नोट



#### बन्न-सबन्नतां

- गेंद्र गी छुआलदे होई इक लक्ष
  भेदना।
- गेंद गी पकड़ने कोला पैह्लें दो-लै बारी फ्लिक करना।



## बीएम 10 बक्से च छुआलना

#### जरूरी समग्गरी

खाली बक्सा साफ्ट बाल जां कपडे दी बाल

#### कि'यां खेढना ऐ

- जमीन पर इक बक्सा रक्खो ते ओह्दे शा किश दूरी पर इक सेधै च खड़ोओ।
- च'ऊं-च'ऊं सदस्यें दियां टीमां बनाओ।
- टीम दा हर इक सदस्य गेंद्र गी बक्से च रक्खने दे लक्ष कन्ने फ्लिक करदा ऐ।
- जेहुड़ी टीम बक्से च मतियां गेंदां पांदी ऐ, ओहु जित्ती जंदी ऐ।



शिक्षक आस्तै नोट



उद्देश कुसै बी वस्तु गी कुसै बी चाल्लीं दी दूरी ते उचाई पर फ्लिक करने च लोड़चदी दूरी ते शक्ति दे अंदाजे दा दा विकास।

- बक्ख-बक्ख दुरी पर बक्से रक्खो। उ'दे आस्तै बक्ख-बक्ख उंक बी रक्खे जाई सकदे न।
- लक्ष खेत्तर गी बधाने लेई घेरे दा इस्तेमाल कीता जाई सकदा ऐ।

# बीएम 11

## बिच्चै दा बांदर

जरूरी समग्गरी

फुटबाल

### कि'यां खेढना ऐ

- इक विद्यार्थी गी बिच्च खड़ेरियै घेरे च खड़ोओ।
- घेरे च खड़ोते दे विद्यार्थी गेंद्र गी इक दुए गी पास करदे न ते एह् ध्यान रखदे न जे बिच्च खड़ोते दे विद्यार्थी आसेआ गेंद्र पकड़ी नेईं जा।
- बिच्च खड़ोते दा विद्यार्थी गेंद गी रोकने जां पकड़ने दी कोशश करदा ऐ।
- जे गेंद फड़ी जंदी ऐ, तां गेंद गी पास करने आह्ला विद्यार्थी बिच्च खड़ोंदा ऐ ते खेढ जारी रौंहदी ऐ।



शिक्षक आस्तै नोट



उद्देश मस्ती कन्नै भरोचे दी सखलाई ते टीम वर्क ते छप्पे दे संवाद दा विकास।

#### बन्न-सबन्नतां

- घेरे दे बश्कार दो विद्यार्थियें दा इस्तेमाल करना।
- गेंद गी फ्लिक करने दी कोशश करो जां गेंद गी पास करने आस्तै सिर जां मूंडे दा इस्तेमाल करो।

# बीएम 12

## उठक बैठक

जरूरी समग्गरी


साफ्ट बाल

#### कि'यां खेढना ऐ

- इक घेरा बनाइयै इक खढारी गी केंद्र च खड़ेरो।
- केंद्रर दा खढारी घेरे च कुसै बी इक खढारी गी गेंद्र पास करग।
- खढारी पैरें कन्ने गेंदु रिसीव करग।
- जेह्ड़े खढारी गेंद हासल करने आह्ले खढारी दे खब्बी जां सज्जी बक्खी होङन, ओह् गेंद रिसीव करने आह्ले खढारी दे गेंद हासल करदे गै बैठी जाङन।
- जे खढारी गेंद हासल करने च नकाम रौंह्दा ऐ, तां इस खढारी गी केंदर आह्ले खढारी कन्नै बदली दित्ता जाह्ग। कन्नै गै, जे रिसीव करने आह्ले खढारी दे सज्जी जां खब्बी बक्खी खड़ोते दा खढारी बौह्ने च नकाम रौंह्दा ऐ, तां जेह्ड़ा बिलकुल बी नेई हिलेआ ओह् केंदर च खड़ोते दे खढारी दी थाहर लेई लैग।









• गेंद गी सिर जां छाती कन्नै रिसीव करो।



नियम च इक संशोधन कन्नै आओ जेह्ड़ा इस खेढ गी होर दिलचस्प बनाग।

